

# 陳家樂前世情人取名 Camila 連詩雅孕肚寫字 開估 BB 性別

■ 陳家樂與連詩雅影大肚寫真，非常溫馨。



陳家樂與太太連詩雅由拍拖至今都愛得甜蜜，今年2月宣布造人成功，榮升父母！一直未有透露BB性別的二人，昨日終在社交平台上載大肚寫真照，宣布連詩雅佢女，並已改了英文名 Camila，兩公婆均非常期待跟女兒見面。

陳家樂與連詩雅去年4月結婚，今年2月宣布有喜，女方的預產期為7月！日前家樂出席電影《拾荒法師》開鏡儀式時透露已為BB改了英文名，不過性別及英文名留待太太公布。當時他指好友孫慧雪會將兒子用過的嬰兒用品送給他，記者即笑指家樂「漏口風」爆出BB性別，不過他連聲否認叫大家別誤會：「唔係呀，佢都唔知，只係先送上祝福。」他又透露稍後到馬來西亞拍電影，屆時只可以請10日假回港陪老婆待產。至於連詩雅月初出席活動時表示，仍未決定剖腹還是順產。

## 黃翠如買定BB女衫

昨日家樂與連詩雅終於開估胎兒性別，兩公婆均在社交平台上載唯美孕照，他們均穿上白色衫配牛仔褲，造型襯到絕！見家樂的頭貼着太太肚皮聽胎兒心跳，連詩雅的肚皮則寫上「BABY CAMILA」，宣布囡囡英文名叫 Camila，兩人留言：「31 weeks，好期待與 Baby Camila 見面。」連詩雅雖然懷胎約8個月，但身形依然纖瘦，果然得天獨厚！



■ 兩公婆為女兒改了英文名 Camila。

除了大批網民送上祝福外，家樂與連詩雅多位圈中好友亦留言恭賀。連詩雅好姊妹黃翠如留言：「我要開始準備買BB女衫先。」之前稱會送嬰兒用品給家樂、育有兩子的孫慧雪則說：「咁堆男仔衫仔唔啱BB啦。」湯怡「搭訕」留言：「呢個唔啱，下個可能啱呢。」



■ 黃翠如(右)準備買BB女衫送給連詩雅。 資料圖片

## 鍾嘉欣戩伍允龍高興 唔驚老公呷醋

鍾嘉欣從加拿大回港逾一星期，前晚出席美容儀器代言人續約儀式。提到日前她在社交網上載《九龍城寨之圍城》戲票，是否支持舊愛伍允龍或緋聞舊愛林峯？她笑言：「我捧晒所有演員場，呢部戲有好多好演員演出，我睇完『嘩嘩嘩』叫出嚟，點解咁好睇嘍？Philip (伍允龍)、阿峯演得好。」提到伍允龍獲網民讚演技好，她說：「佢等到呢個角色，戩佢高興，佢嘅價值一直都喺度，只係等待角色。佢長髮造型好睇，角色好適合佢演，以佢為榮。」提到伍允龍表示收到她的短訊支持，嘉欣說：「只要我見到覺得好嘅嘢，就會傳短訊畀佢，大家仲係朋友，聖誕節、生日都送祝福。(唔驚老公呷醋?)唔會，我老公好有自信，而且我哋好專一。(有冇約伍允龍食飯慶祝?)又唔需要，我返嚟呢一個星期好忙，真係冇時間。」



■ 鍾嘉欣坦言與伍允龍再見亦是朋友。

## 袁偉豪唔信老婆學御夫術



■ 袁偉豪與張寶兒已熟習湊小朋友。

袁偉豪與太太張寶兒去年底榮升父母，育有兒子「袁咕碌」。昨日他們出席無綫節目《學神爸媽 Get Set Go!》記者會，兩人除了分享拍攝感受外，又示範為BB換尿片及沖奶粉，駕輕就熟。談到吳若希有份拍攝，問寶兒可有向對方請教御夫術？袁偉豪搶答：「唔使，寶兒會自動過濾。(驚太太學咗吳若希嘅絕招?)我就係知佢唔係咁嘅人，所以當初我先同佢拍拖。唔知佢哋(吳若希同老公)前世邊個欠邊個，呢個係佢同佢老公今世嘅相處模式。」

## 未婚妻案押後再審 李龍基心情低落

李龍基未婚妻王青霞(Chris)被控逾期居留、使用虛假文書、違反逗留期間接受工作等7項罪，昨早於沙田裁判法院提訊，辯方和控方律師向法官表示要進行認罪協商，預計需時3星期，法官批准案件於6月19日續審，Chris 要繼續還押。李龍基離開法院時，被問到對案件尚未有定案會否失望？他只說：「案件進入咗司法程序，唔講喇，亦有心情，心情唔太好。」繼而指趕時間要到律師樓處理案件，急步離開。



■ 李龍基對未婚妻不離不棄。

案件編號：STCC/688/2024